

Skåne Stadsmission

Skåne Stadsmission si jekh organizacija na-guvernosi (fundacija bi-profitu) so kerel buci ande o socialno sektoro, manushenza so shutine'i ande jekh chorimaski/slabome situacija, phare problemontsa thaj pe lungo vrama.

Sako djes, po intrego bersh, mindig amaro fokus si po individualno trubulimos, maladjuvas thaj zutisaras e maj bute zenen anda e maj chorimaske grupij anda e societati'a (klubo/samheleto). Ando Skåne Stadsmission si amen jekh buciako than so bushol Crossroads kaj e chore manusha anda e EU shaj han deteharako haben, te thovenpe thaj te len vazno sfato thaj zutipe angla e autoritetura. Ginav maj but po www.skanestadsmission.se.

Civil Rights Defenders

Civil Rights Defenders si jekh internacionalnij organizacija so kerel buci anda e manushenge chachipe, so naj andre ande politika thaj khangeri. Banisaras e polgarnij thaj politikanji chachipe thaj zuraras e shajipe kodolengo so branin e manushenge chachipe thaj save si shutine angla but risiko. Sam aktivnij vi ando Svedo thaj inke anda e tema kaj e manushenge chachipe si maj kovle. Ando Svedo, e Civil Rights Defenders but aktivno si anda e minoritetonge chachipe, protiv e nasulipe kerde anda utalij thaj protiv e diskriminacija. Sar jekh egzemplo, keras buci te zuraras e protekcija pa e chore EU poldarnengre(engl.citizens) chachipe. Ginav maj but po www.crd.org.

Kontaktirin amen

Skåne Stadsmission

Facebook: fb.com/hatbrottsprojektet/

Mail: hatbrott@skanestadsmission.se

Webb: www.skanestadsmission.se/hatbrott

Kontakti

Niklas, 0735-32 13 98

Albert/Christian, 0763-17 50 62

Civil Rights Defenders

Mail: info@crd.org

Tel: 08-545 277 30



Kado projekto si finansirime kathar e Evropaki Unija, ando programo "Chachipe, Ed'formavimos, Polgarimos/citizenship" (2014 – 2020)



Nasulipe kerde anda utalij* protiv e Romane migrantura ando Malmö

Jekh EU projekto protiv o antiziganismo

Maskar o 2019 thaj 2020to bersh, e organizacija Skåne Stadsmission ekhetane le Civil Rights Defenders implementirin jekh projekto finansisijme kathar e Evropaki Unija, tela o titula: "Telephagipe e Antiziganismosko so dzal Protiv e Romane Migrantura ando Malmö (TAG-ARM)". E projektosko skopo/misija si te marel tele e nasulipe anda e utalij so kerenpen protiv e vulnerabilnij EU polgarja, romane etnicni thaj save keren penge trajimaske pandal diferentni aktivitetura pa e ulicij anda o foro Malmö/Svedo.



So si e nasulipe kerde anda utalij protiv e roma?

O Kosilijumo/Rodipe pa Prevenisarimos anda Nasulipe (Brottsförebyggande rådet-Brå) phenel ke kadala nasulipe anda utalij si: "o nasulimos so kerelpe anda dar kathar e hovlij thaj utalij protiv e roma thaj savi aktivirij jekh reakcija protiv kadala manusha, lenge bucia, e institucijengo, kodolengo vaj kodolesko save si'le vaj si hatcharde sar roma vaj romane reprezentantura." E nasulipe kerde anda utalij si kodola nasulipe kaj o grundo e nasulimaske si e utalij/hovli/ura so avel anda rasismo, xenofobija, vaj homofobija.

Opra cira abuzurja si raportujime

"E raportujimaski tendencija pa e nasulipe anda utalij dichiol avri sar ke teluni/cikni si, ando generalno levelo thaj inke maj but tele si kadi kana vorbisaras pa roma."

- Svedisko Policija, 2015

Kaj e nasulipe anda utalij so dzan protiv e EU polgarura anda Svedo te aven raportulime maj feder, kadi si jekh problema maj bute rezultatontsa. Vash e dzene so si bantime kadi lipsa kerel ke von nastik te hasnin penge chachipe angla krisi sar kaver manusha thaj ci te len kompensacija anda so maladilas lenge. Vash e societat'a/samheleto kado mezij ke nastik te kerelpes jekh chacho patreto pa kabor bari si e problema anda kodo ke o numero kadale bajonge so naj raportirijme thaj registralime si opra baro. Sa ande kadij dikhlam ke ande palunij vrama inke maj tele si dikhle e romane migrantura anda EU thaj o rezultato kadalake si jekh baripe pa lenge chori situacija.

"Vov avel sako detehara thaj tale rat, kathar e luja dzi pe tetradij, po drom kathar, vaj karing peski buci. Phenel mange nasul vorbij pe muri chib. Pachav ke arakhlas len po neto. Mange si ladzav te phenav sar phenel vov mange. Sikavel mange chore/melale semnura thaj shungardel man. Kadala bajura maladjon perdal trin bers palpale. Darav thaj som holjardo ke ande'kh djes shaj maladjol ke kerela mange vareso zurales dzungales."

- zuvli 50e bersengi so avel kaj o Crossroads.

Shtar bers vrama, o Crossroads Malmö, savo kerel buci kadale chore poldarenza anda EU, pandal e Skåne Stadsmission, d'ozilisardas te hanjarel dosta deklaraciji te shaj sikavel jekh uzo patreto pa e sistematicnij diskriminacija ande savi si shutine kadala roma so aven ande kaver UE thema thaj save trajin pe e Malmoske ulicij thaj droma.

Kadala nasulipe so maladjon e romenge, so kerenpe vorbasa thaj vi akciosa si e loli dori ande maj but anda e deklaraciji kathar e roma savenza kerdam buci. Inke dande 2016to bers dikhlam ke kadi fenomena si kajci but huladij ke lam decizija te iskrisaras/dokazisaras tele kadala bajura maj konkretno.



Fotograf: Apelöga



Kamas:

- Te kartografisaras thaj das anglal aktivno kadale stereotipura thaj le prezudikatonge save maj butivar si o grundo le nasulipenge protiv e roma, generalno, thaj specialno e chore romenge ande kaver EU thema(maj but e lole thema).
- Te zutisaras aktivno kadale romen angle, thaj vi ande vrama so dzal jekh eventualno krisi.
- Te keras/inkras maj but informaciake aktivitetura kaj kadi grupa chore romengi te avel informirime pa lenge chachipe.
- Te zumavas te barjaras o numero kodolengo so troman te reportirin kadala nasulipe savengo targeto si von thaj, ande lungo vrama, te shuvas pashel karing e pachape ande krisaki akcia kodolenge so si azbade.
- Te shuvas pashel anda barjiipe e dzanglimasko mashkar e autoritetura thaj e intrego societat'a pa o slabomos/chorimos angla e nasulipe kerde anda utalij protiv kadala EU polgara, etniska roma.
- Te keras jekh zurali kolaboracija e policijasa thaj e krisake aparatosa ande kadi problema so maladjol e romenge, specialno kadale e maj slabome manushenge ande Evropa.